

Բ. Ն Ա Մ Ա Կ

(Կ. Ա., Թրգմ. 1913, էջ 551. քնագիր էջ 750:)

Մատենան 45, Պօղոս Լուսինայապետ Ե. յամին Թ.
Նամակ 125, էջ 41:

Միրեցեալ Ռրդոյ Պատրիարքական
Փոխանորդի Կ. Պոլսի:

ՊՕՂՈՍ ՔԱՀԱՆԱՅԱՊԵՑ ՀԻՆԳԵՐՈՐԴ

Սիրելի որդեակ, ողջոյն եւ Առաքելական
օրհնութիւն: Մեր այս նամակը քեզ պիտի
յանձնէ սիրելի որդին մեր Զաքարիա վարդա-
պետ հայազգի, զոր շատ պատճառներու համար
կարի յոյժ կը սիրենք ի Տէր: Ասի տեղեկացուց
մեզ որ քիչ առաջ՝ միաբան հաւանութեամբ
եպիսկոպոսներու, քահանաներու եւ ժողո-
վողեան, տեղդ գտնուող իրենց Ազգին Եկեղեց-
ւոյն վրայ առաջնորդ կարգուած է: Եւ որով-
հետեւ այն եկեղեցական վարչութեան մէջ ի
փառս Աստուծոյ մեծ շահ եւ օգուտ կ'ակնկա-
լենք անոր բարեպաշտութենէն ու խոհմու-
թենէն, կը փափաքինք անոր նպաստամատոյց
ըլլալ այն ամէն բանի մէջ զոր Տերամբ կրնանք
ընել: Ուստի կը յանձնարարենք քեզի որ կրցած
օգնութիւնդ փութով ու սիրայօժար մատու-
ցանես իրեն. որպէս զի սիրոյ այն կապը՝ որով
այս Ս. Աթոռոյս կապուած կը փափաքինք պա-
հել Հայերը, մեր այս սիրելի որդւոյն ջանքովը՝
ինչպէս վստահ ենք աւելի եւս սեղմուի ու զօ-
րանայ. եւ մենք հայրական սիրով կ'օրհնենք
զքեզ: